

A Eurocidade Chaves-Verín, AECT, será beneficiaria, por segunda vez, do programa da Unión Europea “Cross Border Solutions: B- solutions” da Unión Europea, centrado en superar os obstáculos legais e administrativos en territorios fronteirizos.

A Agrupación Europea de Cooperación Territorial, Eurocidade Chaves-Verín, que forma parte dun territorio moi afectado por incendios forestais cada ano, pretende reforzar a idea de que a cooperación nesta zona fronteiriza é fundamental. Por este motivo, impulsou unha candidatura para definir fórmulas que faciliten o traballo transfronteirizo que se desenvolve en materia de protección civil e emerxencias a ambos os dous lados da fronteira.

A Asociación de Rexións Fronteirizas Europeas (ARFE) e a Comisión Europea, entenderon a importancia desta candidatura e designarán a un experto que estudará a situación actual e os obstáculos en materia de cooperación transfronteiriza neste ámbito.

B- solutions é unha iniciativa con 4 anos de existencia e impulsada pola DG Rexist da Comisión Europea. A Asociación de Rexións Fronteirizas Europeas xestiona a iniciativa desde decembro de 2017 e o obxectivo xeral de B- solutions é identificar e promover métodos sostibles para resolver os obstáculos fronteirizos de carácter legal e / ou administrativo ao longo das fronteiras terrestres internas da UE.